



Broj: Broj: 01-50-1-15-9/07
Sarajevo, 24. maja 2007.godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET. O b a v j e š t e n j e

Predstavnički dom Parlamentarne skupštine Bosne i Hercegovine je, 23. maja 2007. godine, održao 9. sjednicu. Na sjednici su, pored ostalih, razmatrani materijali koji su u nadležnosti i Doma naroda, kako slijedi:

1. Prijedlog zakona o radijacijskoj i nuklearnoj sigurnosti u Bosni i Hercegovini (drugo čitanje);
2. Prijedlog okvirnog zakona o predškolskom odgoju i obrazovanju u Bosni i Hercegovini (drugo čitanje);
3. Prijedlog zakona o izmjeni Zakona o službi u Oružanim snagama BiH (prvo čitanje);
4. Izvještaj Predsjedništva BiH o donesenim odlukama o pomilovanju za 2006. godinu;
5. Godišnji izvještaj Visokog sudskog i tužilačkog vijeća BiH za 2006. godinu;
6. Izvještaj o poslovanju Ureda za reviziju institucija BiH za 2006.godinu;
7. Imenovanje tri poslanika iz Predstavničkog doma u Interresornu radnu grupu za pripremu teksta prijedloga zakona o izmjenama i dopunama zakona (Izbornog zakona BiH, Zakona o sukobu interesa u institucijama vlasti BiH i Zakona o finansiranju političkih stranaka);
8. Davanje saglasnosti za ratifikaciju:
 - a) Sporazuma o vojnom grantu između Vijeća ministara BiH i Vlade Republike Turske i Implementacionog protokola koji se odnosi na finansijsku pomoć između Ministarstva odbrane BiH i Generalštaba Republike Turske,
 - b) Sporazuma između Bosne i Hercegovine i Sjevernoatlantske ugovorne organizacije (NATO-a) o sigurnosti informacija,
 - c) Sporazuma između Vijeća ministara BiH i Vlade Republike Slovenije o saradnji na polju odbrane,
 - d) Sporazuma o uspostavljanju željezničke mreže velikih mogućnosti u Jugoistočnoj Evropi,
 - e) Sporazuma između Vijeća ministara BiH i Vijeća ministara Srbije i Crne Gore o vraćanju i prihvatanju lica koja ne ispunjavaju ili više ne ispunjavaju uslove za ulazak ili boravak na teritoriji druge države,
 - f) Osnovnog ugovora između Bosne i Hercegovine i Svete Stolica i Dodatnog protokola na Osnovni ugovor.

Ad - 1.

Za narednu sjednicu Doma odgođeno je izjašnjavanje u drugom čitanju o Prijedlogu zakona o radijacijskoj i nuklearnoj sigurnosti u Bosni i Hercegovini.

Ad – 2.

U Predstavničkom domu usvojen je Okvirni zakon o predškolskom odgoju i obrazovanju u Bosni i Hercegovini, s jednim amandmanom, koji glasi:

„U članu 18. stav 2. riječi: „kantona, distrikta, općina i gradova“ zamjenjuju se riječima: „Republike Srpske, kantona u Federaciji BiH, Brčko Distrikta Bosne i Hercegovine, općina i gradova“.

Ad – 3.

Zakon o izmjeni Zakona o službi u Oružanim snagama BiH usvojen je i u prvom i u drugom čitanju, s dva amandmana koja glase:

Amandman I.

U članu 1. nakon stava (2) dodaje se novi stav (3) koji glasi:

„O imenima i prezimenima, nacionalnoj pripadnosti i broju oficira, podoficira i vojnika, te razlozima za produžene trajanja službe u OSBiH i nakon godina života predviđenih u stavu (1) tač. a), b) i c) ovog člana, Ministarstvo odbrane će jednom godišnje informirati Parlamentarnu skupštinu BiH“.

Amandman II.

U članu 2. riječi: „s danom“ zamjenjuju se riječima: „narednog dana od dana“, a ostali dio teksta ostaje isti.

Ad – 4.

Predstavnički dom nije izglasao primanje k znanju Izvještaja Predsjedništva BiH o donesenim odlukama o pomilovanju za 2006. godinu.

Ad – 5.

Predstavnički dom usvojio je Godišnji izvještaj Visokog sudskog i tužilačkog vijeća BiH za 2006. godinu.

Ad – 6.

Izvještaj o poslovanju Ureda za reviziju institucija BiH za 2006. godinu usvojen je sa sljedećim zaključcima:

1. Radi omogućavanja nesmetanog procesa rada, potrebno je osigurati adekvatan smještajni prostor Ureda za reviziju finansijskog poslovanja institucija BiH i
2. Reviziju poslovanja Ureda za reviziju finansijskog poslovanja institucija BiH potrebno je obaviti u skladu sa postojećim zakonskim odredbama.

Ad – 7.

U Interresornu radnu grupu za pripremu teksta prijedloga zakona o izmjenama i dopunama Izbornog zakona BiH, Zakona o sukobu interesa u institucijama vlasti BiH i Zakona o finansiranju političkih stranaka iz Predstavničkog doma imenovani su: Milorad Živković, Niko Lozančić i Šefik Džaferović. (U interresornu radnu grupu imenuju se po tri člana iz Predstavničkog doma, Doma naroda, Vijeća ministara BiH i Centralne izborne komisije BiH).

Ad – 8.

Predstavnički dom dao je saglasnost za ratifikaciju:

- a) Sporazuma o vojnom grantu između Vijeća ministara BiH i Vlade Republike Turske i Implementacionog protokola koji se odnosi na finansijsku pomoć između Ministarstva odbrane BiH i Generalštaba Republike Turske,
- b) Sporazuma između Bosne i Hercegovine i Sjevernoatlantske ugovorne organizacije (NATO-a) o sigurnosti informacija,

- c) Sporazuma između Vijeća ministara BiH i Vlade Republike Slovenije o saradnji na polju odbrane,
- d) Sporazuma o uspostavljanju željezničke mreže velikih mogućnosti u Jugoistočnoj Evropi,
- e) Sporazuma između Vijeća ministara BiH i Vijeća ministara Srbije i Crne Gore o vraćanju i prihvatanju lica koja ne ispunjavaju ili više ne ispunjavaju uslove za ulazak ili boravak na teritoriji druge države,
- f) Osnovnog ugovora između Bosne i Hercegovine i Svete Stoline i Dodatnog protokola na Osnovni ugovor.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić